

湯文正公史稿



濟庵先生擬明史稿卷

五十四

齊斌潛庵擬

同里田蘭芳贊山評

同里田蘭芳贊山評

張文錦蔡天祐胡瓚張瓚劉源清楚書樊繼
祖蘇祐列傳

張文錦山東安邱人宏治十二年進士授戶部主
事歷郎中出爲安慶知府宸濠反衆號十萬舳艫
蔽江而下聲言直取南京文錦與都指揮楊銳指
揮崔文令軍士鼓譟登城大罵宸濠遂留攻安慶
僉事潘鵬安慶人也持檄至城下招降其家人登
潛菴先生史稿列傳四十二卷二十一

列傳四十二

一

城相見遙呼問安否崔文手斬之磔其尸殺城下
引弓射鵬鵬走免文錦盡誅鵬家宸濠大怒親督
兵運土塞隍樹雲樓高十餘丈瞰城中嫚辭斥文
武官不識天命文錦亦於城中架飛樓張弩射之
夜縋人焚其雲樓賊復架天梯來攻又以油葦焚
之攻城十八日衆慮不支文錦呼天以禱士氣愈
厲銳募死士夜劫其營營中數驚竟夜不得休息
會王守仁已取南昌遂倉皇引去宸濠之不能揚
帆直下留都者文錦與銳等之力也及宸濠平論
功超擢太僕寺少卿嘉靖元年拜右副都御史巡

撫大同文錦既以拒宸濠得重名遂銳意振刷而

執之以御萬感

人於得意事不可再往

操切無序大同北距塞四望平漫寇一鳴鞭蕩無

可禦文錦曰鎮城外卽戰場何以示重寇犯宣府不數戰不能近城以葛峪白陽諸堡爲之外蔽也

大同何以獨否於是議於城北九十里外增設五

堡曰水口曰宣甯曰只河曰柳溝曰樺溝參議韓

邦靖估工費三十萬文錦不懌邦靖以疾歸文錦

遂減爲三萬奏聞興工參將賈鑑督役嚴急堡成

簡略過甚徙鎮卒二千五百家往戍之衆皆憚行

請召募新丁不聽總兵太監戚以爲言文錦怒曰

潛菴先生史稿

列傳四十二卷二十

二

如此則令不行矣夫令行自近始鎮撫親兵部曲

先往則衆軍莫敢譁矣鎮撫親兵皆素游佚有良

室宅聞當發皆大恐請單身分番又不聽文錦嚴

令趣之鑑白文錦杖其隊長督之行於是軍心忿

不可解郭鑑柳忠等遂倡亂殺鑑裂其屍走出塞

上屯焦山墩文錦恐與寇連招撫之八城卽索治

首亂者鑑等大懼乃復相聚焚大同府門劫獄囚

又焚都御史府門文錦倉卒踰垣匿宗室博野王

府諸亂卒圍王府大呼曰張巡撫不出我且燔王

宮王懼出文錦鑑等殺之亦裂其屍遂發府庫兵

仗焚鎮守總兵公署總兵江桓等皆走免乃出逮繫故總兵官朱振於獄脇令爲帥巡按王官以事聞帝咎文錦撫馭失宜命兵部侍郎李昆承詔赦亂卒昆言文錦築堡守險爲邊鎮建不拔之功惟

其論極平恕

剛愎自用不恤羣情致茲大變文錦不足惜國家百五十年紀綱法度一朝隳壞痛恨何可言今當急罷羣情所不順者勅新任鎮巡官協衷共濟王事惟是文錦骨髮暴露妻子流離乞加收恤不報其妻李氏上疏辨寃帝怒命執抱疏人治之于是巡撫江西都御史陳洪謨奏文錦邊圉重臣剛愎潛菴先生史稿列傳四十二卷二十

三

致變誠宜加譴以爲付託不效之戒然事在朝廷雖誅戮之可也若假手士卒傳之四方寢生陵替之階於國家所損不小乞矜其哀籲量賜優卹復降旨詰責於是言者以文錦爲諱萬歷中始下所司議卹贈右都御史謚莊愍猶以其守安慶功也以廉惠著天祐舉宏治十八年進士改庶吉士授吏科給事中封駁不避權貴出爲福建按察司僉事時江西盜起帥兵協勦平之轉山東參議龍山淄川盜起捕其魁餘黨悉散轉副使守遼陽值歲

歎多方賑恤活飢民萬餘人闢海道圩田六萬頃
民名之曰蔡公田累轉山西按察使嘉靖三年擢
右僉都御史巡撫大同時大同五堡兵亂殺巡撫
張文錦天子以文錦剛愎致變命侍郎李昆承詔
曲赦亂卒而朝議選京營兵萬二千人將西征遠
近洶洶天祐聞命就道或勸之曰賊據城公以孤
身入虎狼之羣危道也不若徐行候京兵至同進
勦可以有功天祐曰前撫以剛愎致變首惡者數
悍卒耳非舉城盡叛也急之變且中起如藩王官
民何于是從數騎皆賓客儒生入其城詰旦集軍

潛菴先生史稿

列傳四十二
卷二十

四

士諭以朝廷威德令獻首亂者兵可罷衆心稍定
會尙書金獻民總兵杭雄征甘肅過大同亂卒疑
甚適進士李枝轉餉至鎮衆益恐曰此奉密旨盡
殺大同人以犒軍者夜二鼓火起卒盡甲圍枝驛
館枝從門間出牒示之乃解夜復火起殺知縣王
文昌燔民居數十間代王棄宮眷走宣府天祐以
狀聞于是上命戶部左侍郎胡瓚總制宣大軍務
詔曰索首禍宥脅從師次陽和天祐復集衆傳詔
諭之與總兵桂勇捕誅倡亂軍士岳世美等五十
四人上疏乞止瓚兵先是勅前鎮守太監王覲及

草任總兵江桓陳時密疏首惡姓名覲疏五人桓時疏八人皆以郭鑑爲首至是勅瓚按名捕誅瓚仍駐兵陽和聲言進討天祐復與勇計擒郭鑑等十一人斬之函首送瓚越二日鑑父郭疤子復糾胡雄徐瓊兒等煽惑諸卒夜攻破勇第殺家衆磔屍于坊執勇將殺之天祐聞變亟馳曉諭勇得不遇害斬徐瓊兒等亂稍定代王還大同瓚遂班師吏部左侍郎孟春言疤子未獲恐潛逃塞外爲邊患乞仍勅瓚或別遣大臣亟往務盡根株而薊鎮

總兵馬永請督軍進討天子嘉之疤子自度不免

潛蒼先生史稿

列傳四十二卷二十

五

復潛入城謀亂夜焚總兵王振第明日天祐令閉城大索獲疤子胡雄及其黨焦啞雲等三十四人悉斬以徇脅從者宣詔宥之人心帖然事聞天子嘉其功進副都御史又勦靈邱曠賊論功賜金幣有加五年鹵騎犯大同率所部與戰斬獲功多降勅獎諭九年陞兵部左侍郎在大同時藩祿久缺奉勅便宜措置增淮南商引價御史李天樞追論之有詔覈實天祐疏請致仕明年上察其枉而劉源清總制宣大薦天祐自代卽家起用至中途疾作辭歸逾年卒于家天祐少負異資精易數兼通歷

象兵法好賓客坦易寬和而發奸摘伏若神大同
兵亂憲府胥隸皆其黨都御史動靜亂卒皆知之
天祐招星卜琴弈賓客往來具悉軍中情事以此
得成功在鎮七年德威大著去後父老爲立安輯
祠爲文必傳經義與崔銑相上下自奉淡薄田園
不及百畝所居石岡書屋僅蔽風雨著石岡集十

卷

胡瓚字伯珩直隸永年縣人也宏治六年進士授
行人冊封湖廣河南山西諸王以廉謹聞擢監察
御史外艱服闋出按陝西時劉瑾竊柄以瓚不附

潛菴先生史稿

列傳四十二
卷二十一

六

已凡符檄下諸司未辦者皆責瓚督竣之遂留陝
二年始得代瑾誅進南京大理寺丞陞右少卿尋
轉左時江西副使胡世甯奏宸濠有異志權倖多
納濠賂逮世甯繫獄錢甯脅法司坐以誣告親王
罪法司皆心知其不可而莫敢言瓚獨歎息曰世
甯之言果盡誣乎夫人臣出萬死爲國家効忠而
殺之如公論何於是得輕比奏入留中人謂且不
測久之世甯得遣戍而瓚止奪俸直名由此益著
擢左僉都御史巡撫大同陳邊務六事皆報可武
宗巡幸至鎮寇大至瓚督官軍與戰斬馘甚衆賜

以璽書蟒衣三襲白金三十兩磨一子錦衣百戶
瓚以地處沙漠車駕不宜久留且扈從諸臣多怯
勢撓法上疏極論請蚤回鑿輿至引漢袁盎諫文
帝西馳峻坂之論辭極剴切月餘不得報人又爲
瓚懼瓚曰苟無害軍民身家何慮焉久之竟不得
報因復乞休許之十六年卽家起南京操江嘉靖
元年拜右副都御史逾年進南京刑部右侍郎尋
改北轉戶部左侍郎四年大同兵變殺都御史朝
廷命大臣撫之益驕悖勅瓚提督軍務偕都督魯

綱統兵往瓚曰此首惡數人耳新撫足辦之矣未

潛菴先生史稿

列傳四十二
卷二十一

七

至大同四十里駐兵聲言進討巡撫蔡天祐先後
捕誅亂卒郭鑑等函首送軍門瓚遂班師還京于
是給事中鄭一鵬御史蕭一中交章論瓚等奉命
討賊兵不臨城遽請旋師當下所司責狀帝以渠
魁旣殲地方幸平不問也屢疏乞休溫詔勉留之
初魏國有賜田山海撫甯諸縣幾千頃後讓歸官
給民爲業而其孫光祚復請之瓚奏撫甯逼近塞
下一旦奪貧民田恐生意外變帝以爲然卒不與
蓋其持論不阿類如此陞南京工部尙書致仕歸

逾月以疾卒年五十有九

張瓚直隸滄州人宏治十八年進士授吏科給事中累遷左通政太常寺卿嘉靖十年陞戶部右侍郎大同兵變劉源清進討不効遂改瓚兵部左侍郎兼副都御史往代其任瓚入軍下令曰毋攻城吾將有請也因遣騎招孫允申於懷仁使入城宣諭又遣副總兵梁震乘隙率家丁五百人入城會巡撫樊繼祖用郎中詹榮計斬黃鎮等函首獻軍門瓚至城下令諸路兵退三舍以示無他諸將以次上謁又明日與御史蘇祐張鼓吹整儀衛自南門入諸文武將佐置酒高會賞賚有功將士城中潛菴先生史稿

列傳四十二卷二十

八

乃大定瓚還駐宣府遙制之留梁震及參將史俊兵于大同東西二路備邊所調兵悉歸原鎮事聞帝大悅詔戶部發帑金十一萬賑被難軍民召瓚還京賞勞甚厚三邊總制尙書唐龍奏遣大臣調度甘肅兵餉以瓚往勅許便宜行事十四年總督兩廣召入爲兵部尙書駕幸承天皇太子監國留京師參贊機務二十一年提督團營仍理部事瓚狀貌魁梧相者言其多厚福久居本兵未嘗有所更張所建議者建堡築塞選山東河陝礦徒戍守之外嘿嘿充位而已帝於封疆諸臣督責最嚴偶

失機宜訶譴隨之而瓚獨以諳練戎務屢見褒嘉
皇穹宇及宗廟殿成輒加宮保賜恩廕朝廷大典
禮如冊妃嬪立東宮輒充捧冊寶使祭祀郊壇分
獻視牲賜予頻繁廷臣莫敢望焉御史包節劾其
賣官鬻法瓚疑都御史王廷相嫉之因訐廷相交
結方士廷相上狀自明俱令供職如故御史胡鰲
謝瑜任瀛桑喬相繼論劾章十餘上而給事中王
燁更劾其與嚴嵩胡守中陰結郭勛大蠹兵政其
言至不可聞皆蒙溫旨慰留御史黃正色劾瓚疏

內有守藩臬無善狀語瓚乞罷云臣未任藩臬但

潛菴先生史稿

列傳四十二
卷二十

九

司馬重任非庸劣所堪帝見言者多失實而以瓚
爲醇謹不植黨於是奪正色俸而瓚之寵眷益固
矣帝嘗與大學士李時言其處置大同事得宜及
卒贈太保謚恭襄卹典加厚果如相者之言云

劉源清字汝澄山東東平人正德九年進士授江
西進賢知縣時宸濠反源清以縣當午道卽日規
戰守計揭旗大書誓死報國四字仍積薪環室戒
曰卽事急火吾家毋汗賊手會宸濠妃家婁伯及
闖人樂囿以兵出縣境源清募死士二百人繞出
其後獲伯囿誅之賊復移檄招降源清立斬其使

以是濠兵不得越進賢而東宸濠既平召八爲監
察御史尋遷大理寺丞未幾擢僉都御史巡撫宣
大俺答大舉入寇總兵被圍源清遣所部將馳救
斬馘數十級寇遁去滴水崖卒郭春等據城叛僞
稱大王天師等號源清遣兵傳城呼曰擒春等數
人而止於是守陴者執春等以獻斬之進副都御
史再進兵部左侍郎總制宣大十二年十月大同
卒王福勝王保等殺總兵李瑾先是瑾請於源清
大城之左浚濠四十里以遏突騎大同自五堡變
後軍法陵替瑾持法素嚴而源清下令峻急故福

潛菴先生史稿

列傳四十二
卷二十一

十

勝等倡亂殺瑾從者六七十人擁朱振攝指揮使
巡撫潘倣倉卒不知所爲亂卒脅令具疏乞宥代
王走避宣府源清上聞命總兵郤永討之師次陽
和出榜曉諭有五堡之變失在過寬語五堡遺孽
見之輒偶語不自安謂將追理往事也倣捕亂卒
十餘人僉事孫允中檻詣軍門請旋師且曰五堡
事朝廷已處分幸勿復以爲言源清曰曩胡總制
以兵不臨城致言者紛紛吾不可復蹈前轍乃以
囚屬御史蘇祐而遣叅將趙綱率甲士三百八大
捕亂黨比晚訛言屠城夜鼓譟四起允中歸曲撫

之始定先是叛將遣人賫金帛出塞爲邏者所獲源清薄訊具得振受擁立規畫城守狀爲書召振至訊之振懼仰藥死明日兵至城東亂兵開關迎戰殺叅將曹安等官軍斬關而入城下死者可藉是時郤永與遼東遊擊武鏜據南關叅將段堂據東關副總兵張鎮據北廠三面攻城城中脅故指揮馬昇楊麟爲渠帥時時自洞門出相攻殺迄不可下永議決水灌城倣與鎮國將軍俊樞等六人諭止之不聽俊樞出見永請緩兵亦不聽永因揚

言大同欲奉一王子召塞外兵南襲金陵以撼朝

潛菴先生史稿

列傳四十二
卷二十

十一

廷倣列將士貪功妄殺狀聞道上之源清亦奏倣等黨逆卒抗王師言官劾倣罷去源清因多設邏卒遏城中王府及有司軍民諸章疏而請益師至五萬糧餉器械稱是又言城中衣冠之族悉已從賊兵部尙書王憲以爲然疏請得旨選官軍萬二千人命兵部左侍郎錢如京兼副都御史都督僉事江桓佩印充總兵官以往轉通州倉米十二萬於懷來城戶部侍郎張瓚督餉給事中俞朝宴御史蘇祐紀功旣而桓與瓚改用遂安伯陳璉代之師出有日帝悟大同驟變不足煩重兵罷如京等

勿遣專責源清永進討而是時大學士張孚敬力
主源清議禮部侍郎顧鼎臣黃綰頗言用兵之非
然不敢顯陳也官兵圍城久樵採路絕城中大困
兵部知城不可攻復下安撫之令源清樹幟招降
諸叛卒稍稍自投翼日城中出樵採者三百餘人
永悉執之舉城慄慄亂卒盡裂招降幟復潛勾塞
外酋長十餘人入城指代府曰以此爲那顏居那
顏者華言大人也張樂宴酋長城闔內數日塞北
精騎南掠朔應諸州山西繹騷源清告急請募九
邊兵且請增總制官禦之已得一意攻城帝不許

潛菴先生史稿

列傳四十二
卷二十

七

源清乃百道進攻募窯夫穴城爲毒烟所燻死者
相藉源清復請築隄壅水灌之帝大不懌且曰宣
大京師北門何可破壞源清亦知事不可爲乃自
劾求去帝責其避難負託與永並下詔獄遂以張
瓚爲兵部左侍郎兼副都御史代其任給事中曾
忭言大同亂卒稔惡無上律所謂謀叛非謀殺也
議者曲從輕比於法未盡源清貪功僨事誠難辭
罪第往爲進賢令宸濠之亂倡衆死守有保障功
當蒙八議之貸不聽久之黜源清爲民永鑄二級
隆慶初言官交章追論贈兵部尙書賜祭葬如例

源清忠貞孝友崛起寒素偉幹負氣臨義不顧利害嘗有恩廕舍其子而廕弟之孤人以爲難子爾牧舉進士累官戶部郎中西苑建醮詔所徵發常以帑藏空乏聞輒減損其額積爲中人所嫌會嚴世蕃舍人窩占邊鹽爲爾牧所奏世蕃恨之風御史以變亂錢法劾爾牧杖一百削籍人尤寃之

楚書字國寶甯夏左衛人嘉靖二年進士知寶坻縣調餘姚丁艱服闋補曲沃八爲兵部職方主事大同兵變劉源清攻城不克世宗遣書往視尋論閣臣曰朕病中未嘗不以大同爲懷叛軍戕殺主潛菴先生史稿列傳四十二卷二十一

三

將罪不可原旣赦脅從攻城何爲卻永驕縱無謀劉源清貪功嗜殺至引水灌城玉石何由得分北門重地祖宗所遺必欲城破人誅異日何以修復今當罷諸路兵別遣通曉機宜文武大臣計擒渠魁庶不至師老財匱於計爲宜書旣奉遣未行聞

亦得機宜

帝閣中語乃馳至大同張榜宣示城內於是大同宗室官吏耆老皆知攻城非出上意遂開門迎書人書復具陳朝廷威德城中皆呼萬歲其夕馬昇楊麟遂擒黃鎮等斬之次日巡撫樊繼祖單騎入

斬二人以徇又三日總制侍郎張瓚與御史蘇

祐具儀衛八撫定軍民蓋書之力爲多遷尙寶司
丞進少卿遷太僕十八年拜都察院右僉都御史
巡撫宣府時邊備久弛書躬巡關隘還上言宣府
諸路墩臺宜修者凡一百餘座邊垣宜築者凡二
萬五千丈峻崖宜剷削者凡四萬五千丈請發內
府金錢及時鳩工詔以太僕馬價三萬金與之事
竣巡按臣閱視以聞十九年秋俺答擁數萬騎聲
言將東入書策其必西檄總兵白爵等整師以待
果自萬全右衛入爵敗之于宣平其別路入者副
總兵雲昌敗之爵又大戰於北莊俺答兵過柔乾
潛菴先生史稿列傳四十二
卷二十

古

河半渡遇雨急擊斬獲甚衆捷聞詔進書副都御
史爵都督同知賞資將士金幣有差明年以討隆
慶州妖賊張雄等功有白金綵幣之賜俺答再入
寇多所殺掠給事中劉繪論之遂回籍

樊繼祖字孝甫鄆城人曾祖敬洪武中進士累官
刑部侍郎督餉安南繼祖登正德六年進士授臨
穎知縣八爲監察御史巡按陝西時武宗幸大同
俺答八寇繼祖上言陝西當榆林甯夏甘肅三邊
而西海又有亦卜刺部落東西遼濶調度應援必
待奏請而寇氛猝至勢若風雨今俺答深入亦卜

刺漸徙而東恐兩地交通南北攻擾鑿與在邊可不深慮訪之父老云往年寇犯平涼以有固原總制故得飛調甘延兵會戰寇懼而還今請暫命大臣開府固原提督三邊控制諸路俟事定回京庶得權宜制變之道疏入不報而時論避之嘉靖元年上言陛下八繼大統天下之人孰不延頸舉踵以望德化卽臣近所睹聽似漸不及於始者四事敢冒昧以陳陛下卽位之初日進詞臣講論經史今乃於孟冬輒罷此志一懈親便佞之時多接士大夫之時少勵精圖治之心或轉而爲晏安佚豫

潛菴先生史稿

列傳四十二卷二十一

五

之漸是勤聖學漸不及始也初特召閣臣楊廷和等於便殿與之議國政可否近倖不得與聞數月以來茲典中輟票擬多不見俞豈廷和之議論有乖於前耶是信大臣漸不及始也初言路廣開每賜采納邇來如張銳張雄等獄臺諫交章執奏竟從寬貸而梁本茂謝珊一言冒昧卽加譴責是廣聽納漸不及始也初賞必及於有功罰不遺於顯惡乃今超擢加於藩邸舊人而倡義督師削平禍亂如王守仁者遷延數月未蒙行賞盧明商忠等明與濠通皆得寬貸懷藏二心者何所憚耶是明

賞罰漸不及始也帝嘉納之又查勘畿輔皇莊清
出侵占民田二萬餘頃才名大著轉河南副使陞
江西叅政時大同兵變殺總兵李瑾擢右僉都御
史巡撫大同馳至陽和與劉源清議不合遂上疏
請假金牌入城諭之可立下不然恐賊計無復之
北走塞外貽患非小也不俟命卽用郎中詹榮計
使指揮馬昇千戶楊麟募死士捕斬首惡黃鎮及
許章等十人遂單車入城宣布朝廷德威撫定軍
民事聞天子大喜賞賚金幣有加逾年以捕獲叛
人楊鉞論功陞副都御史築聚落高山二堡扼寇

潛菴先生史稿

列傳四十二
卷二十一

六

要衝帝以大同自張文錦修堡致變撫臣相視爲
戒莫敢任事者繼祖獨力任之特予恩廕進兵部
左侍郎駕幸承天提督薊州山海邊備進兵部尙
書兼左副都御史總督宣大時吉囊數縱掠關南
督兵應敵積首功八百五十七級改工部尙書殿
工起採辦大木督發不匱後以太子少保致仕

蘇祐字允吉山東濮州人少遭母喪值寇至家人
趣之避泣曰母殯在堂兒將焉往願以死守俄而
寇去人稱其孝嘉靖五年成進士知吳縣縣編里
五百徭賦十年一更簿書紛不可紀祐分置糧里

塘長使各署民產高下參伍定役徭賦稱平吳俗
奢靡治尙敦朴三年化行丁媪母艱服闋補束鹿
縣多繫囚一日省釋百人民有昵妾殺其妻而沈
之井者前令弗能問也祐捕置之法一境肅然未
幾召爲監察御史十二年元日副都御史王應鵬
以奏疏誤落職名下詔獄祐偕諸御史論救皆廷
杖無何出按宣大大同兵變殺總兵李瑾脅都御
史潘倣上疏白狀以爲瑾素虐所致祐謂瑾縱有
罪軍士可擅殺乎卽具疏言大同變雖由於激成
姦實本於玩生乞集廷議以正國典帝以爲然遣

潛菴先生史稿

列傳四十二
卷二十一

七

總督劉源清等帥師討之兵臨城下大同大窘而
惑於屠城之說不敢下祐遣人諭之曰凡用兵固
欲安之也而訛言逆命者何趣下卽免不則族矣
久之鎮撫王甯出見持城中將吏署狀陽爲黃鎮
等乞原陰以詹榮謀告巡撫樊繼祖密檄馬昇楊
麟先後捕斬黃鎮等傳首出獻次日祐按轡入城
集文武將佐置酒高會賞賚有功將士大同遂定
踰年按江北值大旱請帑金六萬賑貸民賴以濟
符離河患築石隄十里人號蘇公隄按山西減大
辟囚五十餘人掌河南道出爲江西提學副使轉

山西叅政分守雁門三關召八爲大理少卿陞都
察院右僉都御史巡撫保定頃之進副都巡撫山
西築甯武關城召八爲刑部侍郎改兵部嘉靖二
十九年以左侍郎兼右副都御史總督宣大山西
軍務是秋俺答犯京師提兵入援斬首鹵數十奪
馬牛以萬計論功賜金幣廕子國子生俺答乞貢
市祐請外示羈縻內修戰守朝議偉之百翟鵬有
擺邊之議行之數年祐深以爲不便奏曰宣府之
邊千有餘里一鎮之軍率不過七八萬每里七八
十人豈足守禦寇聚而多我分而寡一處潰八千

潛菴先生史稿

列傳四十二
卷二十

六

里皆成虛設寇旣入邊我兵反後此擺邊之失也
臣以爲守邊不足不若聚而守堡各路步兵固守
要害騎兵相機戰禦其入衛之兵暫駐懷保永隆
閒關警分道入援亦制敵之一策也疏上報可陞
右都御史俄而俺答以二十萬入紫荆關分掠山
西祐督諸鎮兵邀擊於廣昌靈邱至磁窯口大戰
俺答中伏砲而去斬首四百有奇捷奏祭告郊廟
榜示九邊陞兵部尙書總督如故廕一子錦衣千
戶未幾以年老致仕祐居邊十年知人善馭下馬
芳劉漢胡鎮董一夔皆拔自偏校各樹功名其入

援京師也與咸甯侯鸞俱而鸞遂拜大將貴寵無
與比至是出行邊使使告祐請以首功一級爲公
少子官祐謝曰辱將軍念甚厚然吾子非能從軍
也吾又且旦暮罷去不敢以累將軍蓋其守正如
此祐旣去鎮俺答入塞總兵岳懋戰敗許論奏兵
敗由芻餉不給以祐在鎮漫不省憂所致帝怒逮
下詔獄而祐請餉奏牘且疏辨帝不省竟落籍
爲民隆慶改元詔予冠帶立東宮覃恩復故官家
居十八年卒祐爲人豐肌偉岸戟髯電目而和易
可親不爲城府立朝耿介有大節爲文典雅督學
潛菴先生史稿列傳四十二卷二十

充

江西時日閱數百卷率能背誦決科名次第毫髮
不爽人服其才云

此數人皆首尾大同變事得失不同文能曲盡
可觀

首尾大同變事得失不同文能曲盡可觀

王大用翟鵬史道王邦瑞郭宗臯列傳

王大用字時行揚州興化人正德三年進士授工部主事督治漕舟兼理臨清漕閘大用性果毅以功名自任會流寇劉六犯臨清大用輒募卒會兵備使出郭而陣分道邀賊輒引去出爲廣東僉事樂昌盜流劫湖南會兵討之大用帥所部深入疾戰斬馘千餘進一級復征清遠獠賊渡滄江馳入巢中獲其酋斬馘千餘再進一級又攻黃藤峽及十八山諸巢獲其酋斬首二千餘以功進副使兵備如故世宗卽位錄征白水黎蠻及嶺西高涼洞潛菴先生史稿列傳四十三卷二十

三

尹嘉靖九年拜右副都御史巡撫順天廷臣以大用知兵習塞上事請改大同大同兵單膺乏悍卒數戕主帥拜命者多難之大用毅然就道至則破樂文山賊劉善果折延相等獻馘京師天子以爲直條邊備四事其議邊垣事略曰臣待罪行間得巡覽諸鎮他鎮邊垣相近斥候爲易惟大同三邊遠者二百餘里近者四十里道里遼曠亭障不相屬卒有緩急難以救助而游徼偵卒恐爲敵獲輒伏匿近地以故牒報不符情實而陷賊中者往往

泄我機密邊備不飭職由于此且士卒月廩必具
轉車人徒齎至二邊須多遣將校分部護之率鍾
致一石而區脫鹵獲不與焉臣愚以爲移入二邊
并力守禦便疏入報可天用勇于任事更張無漸
給事中張潤身秦鰲交章論之兵部議改調而吏
部以大用才識素優若因人言輒易則事權漸損
于是大用上疏自劾曰大同譬之下都頑民五堡
之變張文錦不善用周公而敗蔡天祐繼之勢不
得不爲君陳七年于茲至臣則畢公之時也抵鎮
以來有因有革上下觀聽輒相疑駭以是二臣得

潛菴先生史稿

列傳四十三
卷二十

王

於風聞欲爲陛下忠謀顧臣自反不得其咎請行
勘明帝褒留之再疏乞休改撫順天召掌院事會
朵顏三衛擁衆叩關詐稱八貢詔大用督叅將周
璜蕭陞詣關閱實大用單騎入城調兵扼險令璿
等張左右翼犄角之寇謀泄宵遁復諭其酋長幹
維者令獻里谷關地延袤五百餘里以爲可繕邊
垣省關營費大半與定盟約而去而御史張祿先
時按大同與大用不相下至是劾大用生事構怨
竟坐免久之復用廷臣薦起巡撫四川當是時天
子方齋祀太乙羣臣爭言符瑞而大用屢以地震

水旱請修省蠲租帝頗厭之或以告大用大用曰
臣老矣豈敢以符瑞結主知哉已而轉南京刑部
右侍郎會川番亂給事中扈永通追論之遂回籍
聽勘久之得白晚家儀真年七十五卒賜祭葬如
例

翟鵬字志南直隸永平府撫甯衛人正德三年進
士授戶部主事監九門課時劉瑾竊柄羣黨橫索
無度鵬奏復權鈔之制商民稱便督延緩邊儲魏
彬家在榆林諸弟姪專擅鹽利復設搶納之法諸
商稱平鹽課以裕遷員外郎視十庫倡同事者條

潛菴先生史稿

列傳四十三
卷二十一

三

上十事皆報可進郎中出爲衛輝知府治行爲一

時冠世宗八繼大統道經其郡官使往來供應浩
繁皆先期立辦而民不擾舉卓異有羊酒綵幣之

賜調開封府釋寃囚五百餘人陞陝西副使整飭

洮岷邊備時亦卜刺數八寇設四裨濟洮二城奏

留甘涼班軍戍守會同叅將王機出奇斬獲寇大

挫衄進本省按察使擢右僉都御史巡撫甯夏自

安化之變將士驕惰卒伍率習匠藝占役鎮守私

第守墩者類皆貧寒老弱不任干戈甲去乙來頗

年不歇甚至夫撥守墩妻爲坐鋪鵬盡清占役定

番上之法勞逸得均又野雞臺二十餘墩孤懸塞外數年不守寇騎往往由之以入憑陵內地鵬盡復之邊務次第修舉而與都督僉事趙瑛不協會警報至瑛遣遊擊李勳禦之勳不肯行語侵瑛鵬遂別遣他將而劾瑛威不能制下瑛大憾託疾辭任鵬遂奏聞且舉副總兵江桓以代詔不許而瑛憾彌甚會寇大入桓逗遛不戰亡失數多瑛遂奏鵬用人失宜鵬亦奏瑛驕抗廷議兩罷之二十一年起原官整飭直隸山西等處軍務時俺答犯石州調兵禦之俘馘甚衆以功陞兵部右侍郎兼左

潛菴先生史稿

列傳四十三卷二十

三

僉都御史總督宣大上言邊事以各邊遇中國被掠人近塞駐牧者宜多方招徠而罪其殺降邀功者又言寇一入境官軍奮勇遇敵雖無所斬馘地方賴以無虞其功當錄又如賊衆我寡奮身鏖戰雖有損折未至殘害地方者其罪當原以俘馘論功固也亦有臨戰當先摧鋒陷陣者不暇斬級而後軍乘勝斬獲者豈宜獨計其功以損折論罪固也亦有數營並進遂巡觀望者得以苟全而間或力戰損軍者豈宜獨治其罪帝以爲然時有降人言寇將以三十萬入犯鵬駐師宣府請餉疏三至

兵部令馳赴朔州以便調度而帝亦見爲畏縮降旨切責罷任且以文臣總督徒擁虛名牽制誤事非祖宗之舊併罷不設鵬既去而俺答復大八山西廷議非鵬無可任事者起仍前總督且益以山東河南並聽節制比前加重焉時吏部尙書許瓚議邊塞漸頽當傾天下財力修築廷議難之鵬獨以爲戰不足者守有餘乃於衝要浚濠爲垣延袤三百九十餘里增築新墩二百九十二座護墩堡一十四座增設守備操守十四員起營房一千五百間得地一萬四千九百餘頃以地募軍省帑金

潛菴先生史稿

列傳四十三卷二十

三

數十萬又以大同路遠不便轉輸請將宣府客兵餉銀改運大同其應運大同軍糧留給宣府客兵兩鎮稱便又言防邊禦寇戰守有要欲東自平刑西至偏關畫地分守再設遊兵分駐甯武雁門等關敵如攻邊戍兵登陴拒敵遊兵出關夾攻所謂守中有戰東自大同西抵老營堡因地設伏預有定算視賊所向分兵待之又於宣大三關之界各設勁兵以防奔逸善戰官軍六千分左右兩營總督躬自將之隨機策應所謂戰中有守帝以其言下文武總督大臣仍勅諸臣敢阻撓致誤軍機

者許鵬按問叅奏仍詔自今遇敵如有退縮逗遛者都指揮以下卽斬以徇鵬感帝知遇益奮勵以圖報稱遣千戶火赤力等遠出塞外偵探將有大舉至豐州遇寇薄有斬獲以路遠軍士飢疲亡失略相當其實陳狀帝以將士深入嘉其忠勇厚賜賞卹亡失不問也又以舊例兵皆團操鎮城聞警出戰近年邊患漸熾往往夏秋之間分駐邊堡謂之暗伏今後請自八秋悉令赴塞畫地分守謂之擺邊九月終還鎮遂著爲令二十三年三月俺答寇龍門所督總兵郤永等斬五十一級以功陞兵

潛菴先生史稿

列傳四十三
卷二十一

五

部尙書兼都察院右副都御史賞白金綵幣有加大抵鵬之爲帥以申明賞罰蒐討軍實嚴號令謹烽譟遠斥堠固要害爲務蚤夜孜孜不遑甯處而呼吸應變非其所長九月巡撫都御史朱方請撤薊鎮防秋客兵本兵毛伯溫郎中韓勗題覆并將宣大三關客兵盡撤鵬不能爭俺答偵知遂於十月初九日由膳房堡入塞鵬自朔州聞警夜半馳至馬邑調發兵食而親至渾源督戰當是時羽書旁午烽火達西內俺答越插箭嶺而南攻破縣邑焚掠畿甸帝方大怒而兵科給事戴夢桂劾朱方

建議撤兵致寇乘間入犯鵬手握重兵漫不可否
俱逮繫詔獄御史舒汀等併論及本兵於是伯溫
罷任方勗皆廷杖鵬遂遣戍至河西務爲民家所
窘鈔關主事杖其居民厥衛以聞復逮至京尋卒
於獄鵬所至皆有實蹟自守清白常祿外纖芥無
苟取初在衛輝將入覲行李蕭然通判王江署府
事夜懷金遺之自責曰豈我素履未孚於人耶江
慙而退奉命查勘總兵官白鶴事太監張佐遺書
求救且致黃金百鎰既開封呼其使而反之秉公
按覈不少假借其剛介如此

潛菴先生史稿

列傳四十三
卷二十一

三

史道字克宏涿州人父俊成化間進士歷官按察
副使道登正德十二年進士改庶吉士授兵科給
事中爲人壯往敢決以才氣自負嘗疏論谷大用
江彬誤國謀逆尙書王憲附麗阿黨諫止大臣楊
廷和等及太監張佐等封爵論救王瓊陸完死罪
章數十上多見採納嘉靖元年奉使朝鮮未幾出
爲山西按察僉事道疑廷和擠已時廷和方爭與
獻大禮不能得而道上疏論廷和專擅且言先帝
稱威武大將軍廷和未嘗力爭今於典獻帝一皇
字一考字乃欲以去就爭之冀以動帝聽尙書喬

宇彭澤交劾其妄帝亦切責之下詔獄給事閻閣
御史曹嘉相繼論救帝怒其朋比皆謫外而道謫
南陽通判再謫金縣丞久之陞僉事入爲光祿寺
少卿時楊一清張孚敬不協道因疏言輔臣宜和
衷體國優詔答之亡何陞僉都御史轉大理寺卿
遂掌都察院事因會推失誤爲汪鋌所糾罷任十
五年卽家起僉都御史巡撫大同道自以家居畿
輔習知邊塞情形又屢經摧挫思有以自見至鎮
之明年親督兵會總兵梁震禦寇於玉林川又禦
之於沙河捷聞進右副都御史巡撫如故十七年
潛菴先生史稿列傳四十三卷二十一

毛

禦寇於丁家林及石嶺關十八年又禦於碌砵河
前後斬渠魁一人卒二千餘人獲馬駝牛羊三萬

器械五萬又擒獲妖賊王通礦賊王喜等事聞帝

嘉其功賚以金幣大同自張文錦築堡致變後督

撫率尙因循無敢任事者道獨慨然曰前人病坐

操切耳非任事之咎也乃建鎮遠鎮川宏賜鎮鹵

鎮河五堡聯絡相應廣地數百里督軍士墾田萬

餘頃進兵部右侍郎巡撫如故三十年俺答阿不

孩遣使石天爵款塞求貢道欲行羈縻之術遂具

疏上聞兵部以寇勢方張遠求入貢非情實且天

爵本中國人久居塞外疑爲間行撫按究問而道

何意

縱之歸坐是鐫級而小王子遂擁衆並塞南掠岢

嵐石州忻平壽陽至太原陽曲被掠者宗室四人

儀賔一人軍民殺掠五萬一千七百餘人京師震

驚大同鎮卒陰與之折箭爲盟往來輒以所掠輜

重遺之假道焉道知之不問也尋亦坐此削籍三

十年起左侍郎總理大同馬市初咸甯侯仇鸞倡

通市之議至是俺答投譯書宣大總督蘇祐求通

市祐以聞鸞力主之楊繼盛疏諫下獄廷臣遂不

敢有異議者道以昔嘗主通貢未成邊警益甚遂

潛菴先生史稿

列傳四十三
卷二十

天

以此自任開市於大同鎮羌堡道疏言俺答與其

子脫脫等易馬二千七百餘匹進謝恩馬九匹譯

表一通南向黃幄香案叩頭極恭謹今秋可無虞

若日久不渝盟非臣所敢知至於先事之防在我

不可或緩其再市及宣府開市日期乞賜裁定事

下兵部而仇鸞言夷俗以九數爲至敬宜遣官賫

勅宣諭仍厚賞以嘉向化帝以爲然賜俺答金帶

錦衣仍命道遍請宣府延甯經理開市事宜未行

而寇騎犯左衛道詰之則曰此中國叛人蕭芹喬

源所爲芹自言有妖術咒人人死喝城城頽俺答

惑之乃捕其黨五十餘人執芹源妻子告俺答試
喝城不效則執以予我脫脫曰某日將自右衛入
試喝城無敢掠也道上聞且言俺答怵於妖黨臣
多方操縱已得要領諸部以俺答爲雄把都辛愛
皆其親子弟制馭外國在此人而已仇鸞亦以爲
言未幾寇騎果犯右衛立賞格購芹源脫脫執之
致塞上帝嘉道功拜兵部尙書始俺答入市驅馬
至城下計直取償其後往往以羸馬索厚直弗予
輒大譁入大同市寇宣府宣府市寇大同甚者幣
未出境而警報隨至併所得羸馬掠之而去俺答
潛菴先生史稿列傳四十三
卷二十

完

部落往來城外輒以貢市爲言將士不敢逆拒初
市止馬易布帛至是欲以牛羊易粟麥朝議難之
道又上言俺答貪而勢強其言抑何恃也凡資於我者非鈔掠無

由得也故歲被其侵暴彼之富者有馬而貧者不
能得粟麥富者十二貧者十八今不通融恐衡決

是何言與

約束有誤大計是時俺答數遣使問市期而廷臣
謂所求漸侈將來益有難從之請議久不決道又
上言臣於三月臨邊俺答卽傳諭各部禁其南牧
今請以牛羊易粟蓋借以定諸部落之心且擺邊

可謂力任矣

之費最無益也若暫停二十日移其所省糧料卽

可辦此市費弘賜等堡蓄糧尙多權宜假借亦足
支給所易牛羊充官軍俸廩爲利亦溥惟速降明

旨邊地幸甚是時宣大督撫蘇祐何晉等見廷議
不協慮蒙首禍皆上言以爲不可而仇鸞亦變初

見亦非忠于國者

說兵部尙書趙錦以羈縻終非長策大學士嚴嵩

極是

亦以爲不宜聽要挾示弱於是下詔切責道不務
邊備令解任而勅邊臣一意戰守通市事始絕然
宣大邊防廢弛遂不可復矣給事中何光裕御史
龔愷等交劾道誤國帝怒其希旨各廷杖而光裕
遂死杖下復以道兼僉都御史協理京營戎政道
潛菴先生史稿列傳四十三
卷二十一

三

以屢被人言引疾請休許之逾年猶以邊功加太
子少保蔭子錦衣百戶

暢言馬市之弊而次道主持之論其罪自見

王邦瑞字惟賢河南宜陽人少倜儻負大略總非

爲諸生時山東盜起上勦寇十四策於河南南府

官異之曰洛陽年少何多奇耶舉正德十二年進

士改翰林庶吉士丁父憂服闋以王親出爲廣德

知州丁祖憂服闋補滁州以俸易經史百家貯之

學宮士民稱服其德累遷南京吏部文選郎中出

爲陝西提學僉事勅正學書院坐歲貢不時貶瀆

州知州再轉陝西副使整飭固原兵備時涇邠盜李孟春流劫河東西督兵勦平之民乃大靖邦瑞本以文章飭吏治自是始用武略顯尋丁祖母憂服闋復提學陝西轉叅政又以母憂解職既連遭喪家居日久益肆力於學凡古今成敗典禮兵賦法制沿革皆能究其原委尤留意於邊防山川險易城堡道路厯厯如指諸掌服除以才望特擢都察院右僉都御史巡撫甯夏修營制廣間諜具悉塞外情事寇嘗乘冰一八整兵設伏敗之邊境甯

謐轉南京大理寺陞兵部右侍郎轉吏部左侍郎

潛菴先生史稿

列傳四十三卷二十

三

嘉靖二十九年俺答犯都城舉朝震驚帝歷選廷

臣可預大計者特命邦瑞巡視九門乃陳守禦五

策請勅營兵陣郭外啟門納四郊避寇者寇退請

錄九門諸將徐鏞等功治都指揮僉事陳善等五

十八員罪又請築重城浚九門濠塹設閘大通橋

蓄水皆報可已而改兵部左侍郎兼都察院右僉

都御史贊理京營軍務邦瑞見營制久弛上言國

初京營勁兵不減七八十萬元戎宿將比肩聯跡

號爲最盛嗣是三大營變而爲十二團營又變而

爲兩官廳雖浸不如初然軍士尙足二十八萬有

奇承平既久武備益弛今據籍止十四萬有奇而在營操練者不過五六萬人而已事勢孔亟戰守之用率老弱疲憊市井遊販之徒衣甲器械取給臨時以此應敵何克有濟臣謂軍伍不足其弊不在逃亡而在占役訓練不精其弊不在軍士而在將領今之提督武臣及坐營等官多世胃統袴不閑軍旅平時則役占營軍空名支餉臨操則招集市人呼舞博笑而已軍安得足且精乎往者尙書王瓊毛伯溫劉天和輩嘗有意整飭之矣將領惡其害已陰行阻撓而軍士又習驕惰厭紀律輒藏潛菴先生史稿列傳四十三卷二十一

遂啟戎心今陛下親見其害矣伏願大振乾綱嚴勅提督朱希忠陳鏞等洗濯自新推讓賢能以保祿位選科道六員通察十二團營人馬數目參考戶部糧籍簡汰老弱勾補逃亡然後人給衣甲器械簡謀勇將官以時訓練科道官監視察覈宿弊以聞陛下尤宜精心聽納毋爲浮言所搖庶幾軍政可飭邊防無虞帝甚嘉納命給事中俞鸞御史呂光洵簡閱軍實鸞等還奏各營缺伍一萬三百人存者率老弱遊惰不任于戈于是罷希忠鏞等

任下兵部更議營制改十二營爲三大營設文武大臣各一總其事又設副將以下若干員裁革內臣提督監槍等項若干人公侯伯悉令自陳聽取進止兵部罷黜都指揮以下不職者若干人別選知兵將領充之而邦瑞又舉編修趙時春主事申燧改兵部銜專理營務于是戎政駸駸改觀矣帝益才邦瑞乃以爲兵部尙書邦瑞亦以封疆爲已任陳安攘十二事而咸甯侯仇鸞自大同提邊兵入衛虛聲昌功因主戎政勢張甚鸞奏革薊州總兵李鳳鳴大同總兵徐珏任而薦京營副將成勳潛菴先生史稿

列傳四十三卷二十

三

代鳳鳴密雲副將徐仁代珏帝皆從之邦瑞言朝廷易置將帥必採公論斷自宸衷所以慎防杜漸示臣下不敢專也鸞擅自更易臣恐邊將釁端日啟不報鸞欲節制九邊總兵邦瑞以爲不可鸞議罷築薊鎮邊垣邦瑞又以爲不可鸞積不能平而邦瑞騰章劾鸞跋扈不道狀鸞陰中之詔奪其官冠帶領職頃之罷爲民邦瑞去而鸞益橫久之得罪帝乃思邦瑞言卽家召拜戎政兵部尙書邦瑞以老獲用見營務久弛慷慨陳列次第施行未幾病卒于官贈太子少保謚襄毅遣行人護喪歸葬

邦瑞嚴毅有執識量弘遠遇大事應機立斷歷官四十年所至有建樹尤以廉節著卒後戎政缺人帝輒思曰何處得王邦瑞其爲上眷憶如此云

郭宗臯字君弼先世江西萬安人明初徙山東登州福山所遂爲登州人嘉靖八年進士改庶吉士尋詔諸改庶吉士者皆罷爲進士受官如故宗臯得刑部主事尋改監察御史十二年十月星隕如雨宗臯上言變生無常有先事而爲兆者有後事而爲應者舉莫知其端深求而的指之則鑿矣惟人君反躬修德斯得其要陛下母以目前拂意之

潛菴先生史稿

列傳四十三
卷二十

言

事爲足應毋以前人附會之說爲足信隆謙冲虛受之德崇易簡寬大之政庶未來之變可消也時世宗新失哀冲太子及大同兵變以爲足應星異疏八大怒下詔獄問目前拂意事安所指也宗臯對狀言始因星變竊意陛下必思天意所在而慎防之尋乃有大同之變及皇子之薨臣恐陛下以二事足當之而遂弛修省又素閱天官諸書見古人推測災異其說多妄臣愚望陛下刻意修省勿盡信前聞而求之事應直敦崇寬厚察納忠言不專以嚴明爲政天下幸甚帝益怒廷杖四十未幾

出按蘇松奉憲綱從事行部乘馬不御肩輿太倉
鹽徒爲盜擒其渠魁盜遂衰止復按順天會廷推
巡撫保定劉夔協理院事宗臯論夔無行誼不稱
綱紀大臣奪俸兩月尋遷山西按察副使備兵雁
門轉陝西叅政入爲大理少卿尋拜右僉都御史
巡撫順天邊備寢弛陳便宜五事大略以遠偵探
選兵馬增戍卒蓄芻糧給火器爲要天子以其言
切當皆報可宗臯性簡伉在蘇松時大學士鼎臣
奉召入都道出吳門登舟一揖不交一言而退其

論劉夔也以薦大學士時之子少卿坦爲佞諂大

潛菴先生史稿

列傳四十三
卷二十

五

臣多忌之又初登第與江西士大夫修鄉曲誼及
夏言嚴嵩秉政乃自引避不從里子旅謁撫畿甸
不通請問琉璃河成言嵩出視又不迎勞以此二
人嫌之尤甚會宗臯請修居庸關欲支築邊餘銀
爲工料費帝疑有侵冒而大臣復中之遂罷歸下
戶部鈎校居一年覆奏所放散具有質佐乃召復
故官巡撫大同上谷有警改撫宣府無何進兵部
右侍郎總督宣大山西軍務大同當兵變後上下
務爲姑息衆反不安宗臯以法御之卽有亂行不
少假貸軍中肅然二十八年九月俺答以三萬騎

犯萬全左衛輒遣將有所斬獲賊引而東次沙嶺
堡總兵趙國忠相持不解宗臯復遣大同總兵陳
鳳等以奇兵遮寇而身擐甲胄提輕騎逐之至鷓
兒嶺大戰自辰至酉會大風雪俺答退還營次日
復戰斬一首首明年六月俺答再犯大同宗臯遣
將與戰逐北斬首鹵九十級而會總兵張達副總
兵林椿戰死達陝西人也膂力絕人平生遇敵好
離營陷陣所向有功而是時俺答先以數騎入邊
邊尉報狀御史胡宗憲喜事人也會夜飲醉屬達
曰將軍可趣擊賊達謂寇有伏兵夜出不利請待
潛菴先生史稿

列傳四十三
卷二十一

三

旦乃發宗憲大呼若欲墨吾白簡耶達不得已以
二百騎夜出至宏賜堡寇衆大入圍之數重衝突
不得出而椿方分兵擊寇零騎於彌陀山聞之引
兵救達寇四面騎皆會矢下如雨皆死焉二將死
處去制府二百里宗臯聞其被圍趣發兵往救至
則無及敗書聞天子愍之贈達左都督謚忠壯椿
都督同知謚忠勇各立祠予廕而宗臯與巡撫都
御史陳耀奪俸視事以二將雖歿而寇亦旋遁官
軍被傷者少故也無何給事中唐禹追論達効死

疆場獨其二子世傑授以血戰潰圍此數十年邊

開未有之大勳禹意在中明達功而未知宗臯發蹤指示遂北斬級狀是時帝齋居西內覽禹奏不懌者數日有詔達二子同廕而逮宗臯及燿至京各杖一百燿遂死而宗臯戍陝西靖鹵衛至戍所僦民屋以居耕牧自給暇則手錄方書施藥餌進生徒講論經義居塞上十七年世宗一日札問兵部故督臣宗臯安在以謫戍對廷臣部使薦至十餘疏而大學士嵩沮之竟不復召也隆慶改元奉遺詔從戍所召起刑部右侍郎改兵部協理戎政至則陞南京都察院右都御史道中陞南兵部尚

潛菴先生史稿

列傳四十三卷二十一

三

書參贊機務而宗臯以年迫七十疏求罷帝亦念其老許焉萬歷六年大婚禮成宗臯年滿八十詔守臣及門存問十年元子生詔存問如初以都御史吳時來請詔給廩米輿隸歲以爲常十六年年滿九十遣行人奉綵幣羊酒稱制存問家居二十餘年卒晚年恩禮大臣所未有也宗臯爲人剛方嚴重言笑不苟取予必慎故事宣大三鎮供制府私藏歲若干金皆斥爲公費令解官收掌司其出入天性孝友所得祿賜先進父母弟嘗有疾灼艾頗難之解衣先灼以分其痛內政整肅子孫布

衣芒屨不尙紛華年雖高歲時大節必焚香望拜
出入里門不設車蓋氣骨強健澹泊自甘聲色玩
好一無所嗜故臨難不懼享有耆壽云

數公正氣嘉猷表表過人而各有微累然實孽
非已生獨史道爲難免君子之責也筆墨淋漓
使其遂無遁情

潛菴先生史稿

列傳四十三
卷二十一

三

王忬商大節翁萬達丁汝夔楊宗謙列傳

王忬字民應蘇州太倉人父倬武宗時南京兵部右侍郎忬以嘉靖二十年成進士授行人選監察御史皇太子出閣疏請崇師儒遜宮僚慎選近侍且以武宗居青宮爲戒其言諤諤世宗嘉納之又劾罷緹帥宋興出視河東鹽法歲餘以疾歸已復起按湖廣時宦官廖斌鎮承天暴橫自恣陷前御史至戍忬至與之約曰中貴人不魚肉吾百姓者吾請事之舍人子魚肉吾百姓者吾請爲百姓治之於是斌戒戢其下終任無敢犯法風裁大著代

潛菴先生史稿

列傳四十四卷二十一

堯

還復按順天二十九年俺答自宣府東行犯古北口忬策邊防必潰驟上書言狀且言潮河川有徑一日夜可達通州而通州軍儲所聚臣請馳往守之旣至趣吏士登陴徙舟楫之在東岸者夜半俺答部大至竟不能踰河而西時帝坐齋宮深念邊事得忬疏大喜而又使諜覘畿輔諸城惟通州獨完又覘忬晝夜擐甲睥睨間愈益大喜會御史姜廷頤劾都御史王儀庸懦不職遂特旨超擢忬右僉都御史代之忬旣驟超遷益思所以發舒會寇退請發帑金振諸中兵者又請築京城外郭及城

通州之張家灣築沿河敵臺時議者欲增補營兵
忬又言京軍歲費芻糧百萬緩急無所賴宜汰不
宜增又請設薊遼總督置涿昌通密四鎮拱護神
京次第報可有白金文綺之賜逾年巡撫山東甫
三月而倭寇起廷議置重臣視師以原官提督軍
務巡視浙江及福興漳泉諸郡仍勅便宜調發臨
陣按軍法誅賞無何改巡撫忬才識通敏承朱統
之後方圓並用而寬大善用人時叅將俞大猷湯
克寬以材勇聞忬推心委任又奏釋在繫都指揮

盧鏜尹鳳等分置諸郡犄角應援倭賊汪直結砦

潛菴先生史稿

列傳四十四
卷二十一

四

普陀乘風憑陵諸郡而其黨徐學毛勳徐海彭老
等列兵近洋與之呼應忬授策大猷等率狼土兵
及温台黠徒夜從間道火其巢賊衆大潰克寬夾
擊之俘馘三百餘焚溺死者無算忽風起軍亂賊
乃逸去尹鳳將閩兵邀於表頭北茭諸洋又俘馘
三百餘人有蕭顯者尤桀黠屠南沙還逼松江盧
鏜掩擊大破之斬其首先後奏捷如採淘港石墩
長礁吳淞諸戰俘馘率以數百計又擒漳州通倭
姦民蘇老等三十餘人請旨誅之其奏也不自
以爲功率歸之諸將故人多用命焉天子亦以忬

不負委任累賞銀幣有加行行部計倭所由道凡二十餘縣次第畢城之獨慈谿人言不可城及悖去一歲而慈谿竟爲倭所破三十三年俺答入大同陷大將撫臣坐失律下獄議置代未決帝以問閣臣嵩惶恐不知所對帝曰獨王忬可耳遂手勅進右副都御史移撫之比至鎮值歲祲請內帑金錢十餘萬賑之全活萬計會俺答復入寇合宣府兵破之以功進兵部右侍郎兼右僉都御史尋轉左兼副都總督薊遼保定軍務把都兒等數萬騎犯古北喜峯冷口諸隘凡三敗之明年小王子屯

潛菴先生史稿

列傳四十四卷二十

聖

懷來川攻南塘黑衝峪已又攻大石溝連擊敗之兵部尙書楊博稱忬制勝萬全爲之請敘于是進右都御史廕一子世襲千戶辭不受三十五年打來孫等犯喜峯一片石督兵拒走之未幾闌入灤河頗有所殺掠詔切責奪一官明年把都兒辛愛等合兵犯馬蘭義院諸口卻之詔復所奪官又以遼左功錄一子入國子監忬初以守通州功爲帝

叙致禍之由歷歷

所知自御史超拜都御史皆出特簡非由廷推也而忬亦思奮發以圖報稱帝亦雅器其才眷注特重雖小有挫衄常屈法宥之及灤河之役宦官及

宮人家被傷者號泣帝前帝心頗動而是時大學士嵩擅權其子世蕃貪饕屢責賄于邊帥忤不能副其望又時時讎會對客彈指言其父子貪橫將敗國事嵩頗聞而銜之而忤于世貞文名重海內數以口語失歡于世蕃會兵部員外郎楊繼盛以料嵩父子死東市世貞爲經紀其喪作詩哭之嵩恚之次骨然未有以發也時議者以薊鎮練兵可省調發十之六七忤獨以爲此名美而無裨實用調發如故而尙書楊博議以薊鎮八衛兵聽宣大調遣既命下忤又執奏薊鎮川原平曠獨恃入衛

潛菴先生史稿

列傳四十四
卷二十

聖

兵擁護神京奈何聽隣鎮調發臣不敢奉詔帝怒曰向命薊鎮練兵而忤不奉行每歲防秋惟恃徵調此豈爲國遠謀者而今且紛爭如是耶兵部遣郎中一人與巡關御史備閱兵數虛實與操練若何期一月還奏而兵部遣職方郎唐順之往還奏曰昔漢光武以漁陽突騎定天下唐藩鎮專兵而盧龍一道常虎視河北古所謂其人慷慨勇悍而沈鷺卽今薊鎮之兵也以臣所見不惟尺籍耗減非復往時之舊卽見守邊者除各關寨夜不收千餘人及三屯建昌兩營古北燕河兩區巡撫標下

民兵射手數百人之外皆羸兵僮馬朽甲鈍戈徒糜廩餉不濟緩急之用故往年庚戌之變及近日寬佃河流土墻之寇至于近檄宣遼遠徵延固以禦之甲冑蟻虱於道途杼軸匱竭於轉輸蓋積弊之極其勢不得不出於此練主減客聖諭久頒不謂歲以徵發爲常鎮兵置而不理誰之咎也總督王忬總兵歐陽安巡撫馬珮及諸將領袁正等俱宜坐曠職誤事之罰而給事中王文炳因言兵旣缺伍而糧無減額疑有侵冒疏上獨珮削籍忬等鐫俸二級而已帝間以問大學士嵩邊兵入衛乃

潛菴先生史稿

列傳四十四卷二十

聖

舊制乎嵩對曰祖宗時無調邊兵入內地者正德七年劉六猖獗始調許秦谷永領邊兵討賊繼而江彬統宣大兵至京扈武宗南巡識者憂之云此輩窺京軍單弱必驕橫難制矣未幾大同叛亂實由于此往者仇鸞奏選邊兵十八枝防護京陵未曰守薊鎮也何棟奏薊鎮練兵未完暫借二枝防守非成例也至忬始盡調邊兵分守要害歲以爲常去歲遠徵遼兵致寇乘虛入犯遼左遂空實由邊備久弛互相循爾忬志隳于前恐誤國事帝

聞之益惡忬矣三十八年把都兒辛愛數部屯會

州挾朶顏首影克哈孩爲嚮導意在西入而聲言將東犯義院冷口以紿我師悞信以爲然請援兵不報遽引兵而東鹵乃以其間由潘家口入渡灤河大掠遵化遷安玉田薊州駐內地五日由大安口而還事聞有旨切責令勉力圖後効第錄諸將歐陽安等論死而御史王漸方輅等言悞病悞不任事負上恩當罷有旨停俸而輅論之不已且言其失策者三可罪者四遂逮悞及中軍遊擊張倫下詔獄刑部當悞守備不設律戍邊帝曰諸將皆斬出令者顧得附輕典非法于是改悞當失陷城潛菴先生史稿

列傳四十四卷二十

器

寨倫當失誤軍機律論斬穆宗卽位遵遺詔卹死事諸臣世貞與其弟世懋伏闕上書白寃狀特復故官久之復錄遼左功贈兵部尙書予祭葬

商大節字孟堅湖廣安陸州人正德八年舉於鄉再上春官不第遂教諭洛陽嘉靖二年成進士授豐城知縣豐故無城累遭寇掠大節始城之捕境內巨盜幾盡以治行最擢兵科給事中丁內外艱服闋降鹽城縣丞三遷刑部郎陞廣東僉事整飭高肇兵備撫綏搖獍遣其子弟習禮學宮期年而蠻俗一變會黎人反海南駐兵凌水擣其巢以功

增祿賜金幣三遷山東按察使擢右僉都御史巡撫保定兼提督紫荆等關日選將練兵慮俺答偏強一旦乘虛內侵隱憂方大疏請重根本護神京語甚切至時帝方修真西苑未省也無何召入理院事而俺答大舉薄都城奉命巡視九門時內外搶攘上疏請固守關廂以安重地一事權肅號令以張軍威急誅叛賊以拯生靈存恤內移軍民以固衆志懸重賞招忠勇以壯國勢侃侃數千言奏入報聞而是時仇鸞拜大將軍恩幸無比鸞嘗陰遣家丁時義勾俺答入寇及都城事急提兵入援

潛菴先生史稿

列傳四十四
卷二十一

十一

既自以爲功恐人發覺其奸狀見大節疏有急誅叛賊語以爲意有所蘊銜之次骨及大節進左副都御史經略京城內外募民間蒼頭伎勇異等四千人并舊隸兵部巡卒別爲一軍訓練鼓舞聲威大振鸞益忌之大節奉命經略特爲捍衛都城鸞乃奏畫地分守以京城外二十里爲大節信地且選大節部下精兵五萬人自隸而以脆弱京軍付大節大節以身列九卿不當受鸞節制且巡捕兵舊不隸京營劾鸞包藏禍心鸞亦疏排之帝方急寇難見之以爲退避遂逮下詔獄論死未幾鸞敗

大節故部曲石鏗孫九思等數百人相率伏闕訟
冤兵部侍郎孫時徹因言大節志在國家祇爲逆
鸞掣肘以底於法乞俯順羣情還其初服帝以爲
徇私降旨切責久之察大節無罪行釋之適病卒
人皆恨鸞無不惜大節者

翁萬達字仁夫廣東揭陽人嘉靖五年進士授戶
部主事權河西務戚畹侵商稅疏糾之督通州倉
權貴撓運道奪其舟風裁凜然再進郎中賑畿輔
飢減騶從遍歷鄉村民得實惠事聞有金帛羊酒
之賜出爲梧州知府時咸甯侯仇鸞鎮兩廣縱健

潛菴先生史稿

列傳四十四
卷二十一

吳

卒橫行市肆間萬達縛其尤橫者十餘人杖繫之
鸞不敢問其下亦斂迹十六年安南鄭惟懃告莫
登庸篡弑狀帝欲討之廷議未決又二年命鸞爲
將軍兵部尙書毛伯溫參軍務率師進討蔡經巡
撫廣西而以萬達爲廣西征南副使關吏旣莫氏
賂常伺我兵虛實往來不能禁萬達密遣間諜入
安南旬日盡得其狀乃下令曰敢有出境通賊者
磔之會龍川憑祥土舍有趙楷與韋應李寰者煽
亂爲登庸鄉導萬達乃告伯溫曰三凶相倚迫之
則變生緩之則滋蔓然趙楷徂詐李寰梟雄難以

兵勝惟韋應懷懦寡慮可以計擒斷其中堅使不相屬然後楷寰可次第獲也伯溫以爲然于是單騎突至太平召思明土官黃朝諭以大義朝遂設計擒應以獻楷寰遂相繼就俘先是左江斷藤峽獠酋侯公丁爲亂巡撫議征之會安南之役不果公丁益肆劫掠至是經以兵事屬萬達萬達廉得百戶許雄素通賊狀貸其死令以計給公丁出見因屬參議田汝成檻致經所磔之乃令副總兵張經與指揮高乾分兩軍夾擊賊巢斬首千餘級餘賊奔入羅連山追至又斬首百餘級萬達復移兵

潛菴先生史稿

列傳四十四
卷二十

望

古陶小田降者三千人藤峽悉平進浙江右參政伯溫以安南未歸命而萬達曉暢軍機請留廣西天子從之于是又告伯溫曰今日所以處安南者有三揖讓而告成功上策也攝之以不敢不從而兵不血刃中策也三令五申草薙而禽獮之此下策也今宜總衆長兼羣策臨之以懼終之以謀縱不得上可得其中伯溫又以爲然乃建大將旗鼓於鎮南關榜諭登庸束身來歸待以不死萬達與張經統兵四萬人駐憑祥誓師以聽捕獲安南間諜丁南傑厚賞而遣之南傑遂說登庸及其姪文

明等四十人尺組繫頸詣鎮南關降詔罷安南爲
都統司班師論功有詔增級賞勞白金綵幣有加
進四川按察使歷陝西左右布政使三十三年擢
右副都御史巡撫陝西本年進兵部右侍郎兼右
僉都御史總督宣大軍務二十五年代王宗室充
灼等謀召小王子入塞爲亂密行總兵周尙文捕
其黨啟代王收充灼等械至京伏誅論功進左都
御史兼官如故嘗奉詔會三鎮官議上防邊修守
事宜大略言設險有常道用兵無定術審形勢與
時勢之宜而以定規畫度工費爲修邊之事慎防

潛菴先生史稿

列傳四十四
卷二十

四

秋併兵力重責成量徵調實邊堡明出塞計供億
節財用爲守邊之事累數千言帝嘉納之又言大
同爲山西藩籬宜掣山西擺邊兵馬併力以守有
旨允行而巡撫山西都御史孫繼魯以爲不便萬
達再疏辨之且請賜罷詔逮繼魯勘問而令萬達
嚴督總鎮等官亟圖振舉繼魯竟械死獄中又言
自今各將妄殺降冒功者按實後不必解京許巡
按御史得於秋後梟示又上邊儲二十事皆次第
報可又於三鎮築邊三百餘里墩臺百七十餘座

繪圖以進視原估節省九萬餘兩又倣古火器之

製造連珠先鋒鐵棒雷飛等砲一時軍聲大振
十八年二月偵得俺答將大舉犯宣府以宣府總
兵趙卿怯懦奏調大同總兵周尙文禦之俺答果
以數萬騎自滴水崖南下至隆慶州橋南遊擊王
鑰袁正與戰俺答稍引卻移營南向尙文與遇曹
家莊搏戰未決萬達督兵數千自懷來疾馳去俺
答營四十里會日暮西風暴作索車數百輛曳柴
鼓噪而進塵氛漲天俺答大驚軍中呼曰翁都堂
兵至矣夜解圍遁去萬達奏言俺答窺宣府將懦
遂肆憑陵賴宗廟神靈偵報蚤聞先期徵發諸將

潛菴先生史稿

列傳四十四
卷二十一

四

摧鋒陷陣使不得南矚居庸臣幸待罪行間敢昧
死上將士功次當是時寇勢猖獗京師震驚帝憂
甚密遣使偵得萬達親督戰狀捷聞大喜進兵部
尙書兼右副都御史總督如故加賚白金五十兩
絀絲四表裏賜以璽書將士賞勞有差會本兵缺
召入掌部事以父喪回籍逾年俺答八寇郭宗臯
等被逮廷議奪情詔起仍總督宣大其疏乞終喪
會俺答薄都城本兵丁汝夔得重譴乃復改兵部
尙書萬達方結廬墓間聞命扶病單騎就道未四
十日抵京是時帝日夜望萬達至意遲之屢以問

見素無成謀一時望助倉皇急難

大學士嵩嵩對曰君命召不俟駕况今寇在門庭

猶觀望遲廻如臣誼何嵩素嫉萬達剛正特以事

變倉卒簡任出上意故因問中傷之而帝果大怒

揣上意熟在一果字

遽改用王邦瑞而貶萬達兵部右侍郎兼右僉都

御史經略紫荆等關又以京察自陳乞罷任終制

帝疑其避事益怒遂降旨切責削籍頃之復起為

兵部尚書命下而萬達病卒年五十五萬達事親

至孝父沒既葬身負土為墳曰上下山數里不自

知勞為人精強沉毅抗視千古操筆為文頃刻萬

言辭氣慷慨浩乎若長江大河至其蹈艱履險動

潛菴先生史稿列傳四十四卷二十一 五

有成算善御將士能盡其才而得其死力料敵甚

審臨戰嘗身先士卒馳騁矢石間故所至敵輒失

利當曾銑請復河套時為議止之大略言復套與

搗巢不同謹亭障飭戎備和行伍養元氣以俟其

隙為計之得大學士言不能用也論者惜之所著

有稽愆集平交紀略總督奏議若干卷隆慶初追

謚襄毅

丁汝夔字大章山東霑化人正德十六年進士改

翰林院庶吉士授工部屯田司主事調禮部主客

再調吏部文選進考功員外郎世宗時議興獻禮

具疏明爲人後義廷杖謫宦久之復職出爲山西副使外艱服闋補陝西尋進參政三遷山西左布政使擢右副都御史巡撫甘肅內艱服闋巡撫保定疏言保定六郡延廳數千里紫荆倒馬故關諸鎮外控雲朔內拱京師宜廣集兵馬分路按伏留班軍以資防守調遊兵以聯聲援畜種馬厚儲胥以壯軍勢各條列上之又言國初邊糧采徵本色故倉庾充盈邇來改折軍士不能宿飽今宜豐歲徵米貯倉以後貴則收本色賤則改折於饋餉爲便皆報可改總督南京糧儲兼巡撫應天時值歲

潛菴先生史稿

列傳四十四卷二十

至

祓請於隣省平糶免徵關鈔再發南京三十六倉量糶以濟飢民勸富家出穀備賑酌給散官章服應解戶部倉糧權收折色於荒政爲宜皆勅下所司行之入爲左副都御史協理院事以先任舉劾互異左遷湖廣參政甫三月起巡撫河南入爲吏部左侍郎嘉靖二十八年十月進兵部尙書兼提督團營當是時俺答日強邊事孔亟汝夔驟膺重任思有所更張條上邊務十事其飭營關曰京營額設官軍三十八萬有奇今僅十三四萬保定薊

州兩鎮官軍十二三萬今不滿十萬倉卒有變何

以應之請於團營中預選精壯充勇敢等四營每營各滿萬人以曾歷邊方戰陣將官領之居常操練有警出征不必別立四裒征營分弱營勢其兩官廳六枝出征六枝操練每枝各三千人更番調遣三大營及顯武等八營亦皆以時訓練有警則先發兩廳出征官軍分戍各關次將勇敢等營分布四方爲正兵兩廳備調者四枝列四隅爲奇兵二枝往來巡哨爲遊兵仍於防秋月量發保定薊州兵策應各關遼河間保定精兵二枝每枝三千人一駐通州一駐易州以備東西各關應援其飭

潛菴先生史稿

列傳四十四
卷二十一

至

邊鎮務實政廣儲積時饋餉重犒賞開使過寬受降急撫綏正軍法諸事皆鑿鑿可行帝嘉納之然汝夔性寬大長者長于謀議至于倉卒應變非其所長當是時天子方齋居西內厭聞兵事而大學士嵩當國擅權事多掣肘不能有所施爲明年八月俺答入犯偵報錯互京師日數驚汝夔急集諸營兵點閱登陴老弱纔五萬人又多占役勦賊中貴家倉皇索武庫兵仗闔豎不時發汝夔憤甚連日夜調勤王兵先後集都下而禁衛單弱慮起內巖侍郎王邦瑞請以巡捕軍營長安街汝夔亦請

量掣外兵八營十王府慶壽寺有詔推大臣歷邊
方嫻韜鈴者吏部以舊尙書楊守禮侍郎劉源清
史道副都御史許論各上汝夔自以身任本兵而
求及在籍舊臣慮有中傷者遂具疏請委部事於
侍郎謝蘭而躬督諸將出城禦寇嵩語汝夔曰塞
上敗可掩公樞府也失利輦下如國威何調旨不
允仇鸞自大同遠來兵飢疲無所食往往入村落
肆行劫掠或椎髮詭稱遼陽軍巡撫王儀捕治之
死者數人鸞兵大譁帝聞之命逮儀鸞兵益驕汝
夔不得已禁勿捕民間不知見稱遼陽軍謂汝夔
潛菴先生史稿

列傳四十四
卷二十

奎

山東人存鄉曲情相庇護及虛薄城汝夔恐喪師
令諸將堅壁勿輕戰俺答游騎至安定門楊守謙
接兵不動亦以兵部未檄調爲辭諸閫禁中城外
火光燭天諸宦寺見城外圍聖殿毀環泣帝前訴
丁楊貳於寇帝怒甚俺答退趨白羊口京師解嚴
汝夔陳狀引罪帝以變出非常欲有所誅罰以懲
後命執下獄且趣具獄詞刑部侍郎彭黠左都御
史屠僑大理卿沈良才以議獄延緩刑科給事中
張侃杜汝禎烏從善以違旨覆奏各廷杖坐汝夔
守備不設律棄市妻流子戍天下寃之當汝夔之

承訊也職方郎中王尙學從坐汝夔曰罪在本兵
司屬無與尙學得減死赴西市時猶問左右王郎
中免乎王之子化適在旁謝曰荷公恩免矣汝夔
歎曰汝父勸我出兵我爲內閣所誤汝父免我死
無恨聞者爲之泣下隆慶改元都御史姜廷頤爲
訟寃兵部尙書楊溥題請復職曾孫鳴陞吏部郎
中最知名鳴陞字仲玉萬歷四十一年進士知固
始縣興學校開水利治行爲一時最入爲吏部稽
勲主事轉驗封考功署司事再轉文選外艱服闋
補稽勲員外當服闋時爲天啟七年吏部尙書周
潛菴先生史稿

列傳四十四
卷二十一

五

應秋欲藉鳴陞爲重鳴陞惡其附璫馳書顯絕之
未幾應秋以璫敗人服其持正且有先見云家居
白蓮賊煽亂散家財募士登陴固守城以完起駘
封郎中年四十三病卒于官

楊守謙字允亨湖廣長沙縣人嘉靖八年進士二
十五年由陝西左叅政擢右僉都御史巡撫山西
上言偏頭老營堡三所餘地千九百餘頃請興舉
營田可以內省京運外嚴邊防因薦副使張鎬爲
提調通判張應麒爲總委牛種取自本省不以煩
司農帝稱爲忠謀詔允行之經畫具有次第俄移

撫延綏請留鎬久任以終其事又二年營田大興計秋穫可當帑銀十萬邊關穀價頓減十之五守謙因薦鎬可大用且言延綏安定等邊地多曠土亦可比例興舉今軍需浩繁財用大匱部曲屯田此趙充國之所以制零羌也疏入帝大悅詔戶部通飭九邊東自遼瀋西至固原諸鎮撫臣悉心講求務盡地力守謙等特賜褒賚以風有位守謙又言激勸軍士惟在重賞賞不踰時則士心競奮今令甲斬首一級者陞一級不願陞者予二十金爲賞已薄而又查勘文移動涉歲時以故士心不勸

潛菴先生史稿

列傳四十四
卷二十一

七
堯

近以宣大事棘增賞格至四十金猶未優厚請增爲六十金總巡官驗明卽給蓋增級襲膺有官者利之窮卒生計窘迫覬賞而已誠見斬馘者不移時卽得金彼被甲荷戈之輩誰不相顧動色願忘其死若是則寇不足平也兵部亦以爲然定斬首一級者予五十金著爲令二十七年以修邊功增俸賜白金綵幣有加三十九年進副都御史巡撫保定兼提督紫荆等關八月俺答入犯古北口京師震驚守謙聞警率先提師入援至良鄉詔列營崇文門外時仇鸞自大同至朱楫祝福馮登亦各

以其兵至人心稍定有詔守謙提督團營時寇營去京城僅十里鸞在通州列營河西自固守謙移東直門有詔同仇鸞調度各路兵馬相機戰守未幾以鸞爲大將軍守謙進兵部左侍郎兼右副都御史協同提督內外諸軍事時鸞自孤山移東直門徘徊觀望僞斬死酋報功張大虛聲守謙兵移安定門薄俺答營俺答兵勢甚盛守謙念衆寡不敵且無後繼願以身蔽都城而本兵丁汝襲亦慮喪師戒勿輕戰遂堅壁不動諸將離城遠見守謙不戰亦皆堅壁賊遂焚毀城外民間廬舍幾盡有

潛菴先生史稿

列傳四十四卷二十

姜

詔守謙與總兵朱楫等并力擊之楫等見寇勢盛莫敢前守謙亦以兵部未檄調爲辭帝大怒曰守謙名入援何擁衆自全遂同汝襲執下詔獄坐失誤軍機律竟斬西市守謙生平坦易無城府三任邊撫馭下多恩禮無赫赫名而好爲久遠之謀當與寇營相持時幕中客有勸之戰者應之曰周亞夫何人乎客曰公誤矣今日何得比漢法死之日邊城多流涕者

此皆鸞嵩中傷者其事亦足令人酸鼻而俺答

薄都城亦一一備悉

劉麟陳其學党以平許宗魯劉夔列傳

劉麟字元瑞南京廣洋衛人宏治九年進士觀政工部時外戚用事給事中龐泮等交章論劾悉下詔獄麟偕同榜進士陸崑奏言帝王通治道而來諫議今泮等獲罪後有利害誰復敢言不報授刑部主事轉員外郎錄囚畿內全活三百九十餘人歷郎中出知紹興府時劉瑾擅權士大夫遷除者必候謁而後敢受任麟獨不往拜命卽行履郡政號廉平而瑾銜之甫五月撫細故罷爲民士民醵金爲贖麟曰昔劉寵一錢茲何多金也麾之去瑾

潛菴先生史稿

列傳四十五
卷二十一

五

誅起知西安遭母喪歸服闋轉陝西叅政關中饑邊警日至時議加賦助軍儲麟曰靖邊本以爲民今若此內難亦可慮也會陝民詣闕陳困苦狀議遂寢乃覈儲政抑侵漁賦不增而餉足才名彌著入爲太僕卿未幾進副都御史巡撫真定以病引歸久之起大理卿遷刑部侍郎進工部尙書請得進退其屬一時郎署極天下之選時供費浩繁而庫藏不立小吏得領出納國計日耗麟於是建議曰愛民必先節用財貨乃國脉民命所關何可不慎請立庫名曰節慎蓋用財宜節取民宜慎也天

子以爲然日計視籍月計視日歲計視月皆御史
與其屬共理之自是貪鄙者無所容又大內設二
十四監局造作不協典式糜費無慮萬萬麟疏陳
十二事報可其節省者十之五而中官多不便之
會詔中官督蘇松織造麟以爲非舊制爭之忤旨
遂致仕顯陵宮殿雨漏復追論及麟坐削籍卜居
浙之長興三十餘年與孫太初龍子覓爲友蕭然
一室賦詩自娛非慶弔大故未嘗至城市臧獲數
輩僅給洒掃而已建安李尙書嘗訪之於峴山下
了無宿具以乳牟博市沽風雨瀟瀟欣然達旦好
潛菴先生史稿列傳四十五
雅事可傳卷二十一

五

清孤足爲羣公之冠

身如詩文風坐階除

陳其學其先爲宣城人五世祖迪建文時禮部尙
書不屈文皇帝與其妻管六子七孫同日死自有
傳幼子珠生甫五月乳母芮潛置溝中得免至八
歲爲怨家所訐文皇帝特宥其死詔戍撫甯尋徙
登州遂爲登州人交鼎宏治十八年進士爲給事

中劾權璫繫詔獄嘉靖初起官累陞至應天府尹其學以嘉靖二十三年成進士授行人爲人沈靜恥干謁遇事蹇諤不苟隨人意尙書許瓚語人曰此君大有父風選湖廣道監察御史時都督陸炳假竊威福下逐客令旗校驛騷道路以目自立錢法禁民間錢不得行至爲罷市又使其私人徐某結京山侯元專擅鹽利撓鹺政其學歷數其罪劾之有詔下徐某獄而責炳元對狀皆惶恐引罪謝久乃得免一時權貴爲之斂跡至相遇輒引馬避道曰無犯陳御史巡按兩淮鹽法利甲天下弊竇

潛菴先生史稿

列傳四十五
卷二十一

堯

百出廉得窾要爲四事上之又言河臣胡松漕臣韓士英皆蒞任不閱月驟遷卿貳視官如傳舍此國計所關宜久任以專責成又言江洋盜賊充斥總兵李俊脂韋不能制請更選才將任之又言進奉內臣科斂驛傳請飭南京守備慎擇貢使次第皆報可轉陝西按察僉事巡慶陽遷叅議守榆林再遷副使兵備肅州三任皆邊塞重地益習知地形險易鹵情緩急時哈密倡亂躬擐甲胄率師出嘉峪關三百里直抵燉煌申明戒約酋長出不意羅拜謝罪邊關無虞遷叅政守花馬池防秋者三

尋陞山西按察使擢右僉都御史巡撫大同會俺
答兀慎八犯左衛同將軍劉漢等禦之指授方略
斬捕首鹵過當進右副都御史巡撫陝西韓藩歲
祿不給奉國將軍融燻等百四十人至西安大噪
其學檄布政借帑金給之列狀上聞廢融燻爲庶
人事見韓王傳頃之以本官總督南京糧儲條上
三事請本折兼收民稱便焉尋遷戶部右侍郎兵
部左侍郎總督陝西軍務考績陞右都御史總督
如故俺答八寇延綏號二十萬總兵郭江堅壁不
戰其學度寇深入遣都司馮時泰出塞搗其巢寇
潛菴先生史稿列傳四十五

卷二十一

卒

遂不得逞志而去時泰陷沒巡按御史溫如玉以
聞有詔圖後効未幾定邊被寇殘掠江等戰死如
玉請褒恤江等而亟治文武諸臣兵科給事中歐
陽一敬繼論之歸聽勘事既白卽以原官總督宣
大邱富等八犯宏賜堡督戰敗之斬首鹵過當詔
理京營戎政陞南京刑部尙書致仕歷官自監司
至制府身不離塞垣晝操閱軍士夜讀兵書未嘗
有一日暇逸先後斬獲招降修墩繕垣以功加一
品俸廕子姪各一人賜金幣者九家居門巷蕭然

無聲色之奉置學田以贍貧士特詔存問有司月

致廩米卒年八十謚恭靖

党以平字守衡河南禹州人正德九年進士授戶部廣西司主事爲人清節挺然無所附麗管淮安倉宦官李宣乾沒糧儲具疏糾之回部監收京畿錢糧寶坻歲解紅花子以石計價止七錢闖人例收至三十倍有奇以平議令改解本色闖人久視爲利藪假餽肉酒實以白金以平郤之卒改本色民稱便又張銳之甥郭金錢甯之僕胡泰罔利病民致虧國課以平奏請監追銳甯大怒將借事中傷校尉偵察卒無所得而止有吏除夕投金於戶

潛菴先生史稿

列傳四十五卷二十

空

以平元旦八署呼吏出金問之吏具服笞而遣之自是無敢以私嘗者武宗新收家將朱乾等犯禁令以平收繫兵馬司將具疏江彬聞之怒呼數十人執以平至豹房面奏請旨將置之法帝時方臥不省久之事竟寢再遷郎中風節大著而才能任事時京畿大祲請發太倉米十餘萬石平糶仍煮粥食飢民米價不增全活甚衆前後尙書孫交泰金皆稱其才可大用部中事悉以委之世宗大禮議起同黃待顯等跪伏左順門廷杖下獄久之吏部擬以提學外補秦尙書曰金老矣部事賴此官

贊理疏留之逾年擬陞光祿少卿以平曰往見少
卿有以鵠卵不備爲內臣窘辱者某不能爲也力
辭出爲浙江溫處兵備副使溫處軍素驕因餉不
給嘯聚爲亂單騎諭之衆皆首伏懲其魁桀卽日
解散督府獲海賊五百人欲以爲功訊之皆海中
漁者爲賊所掠悉縱之曰殺無辜以幸賞吾不爲
也遷參政分守兩浙再遷廣西按察使未行陞浙
江右布政使尋轉左入爲太僕寺卿無何進右副
都御史整飭薊州邊備兼巡撫順天昌平爲京陵
要衝供億浩繁奏減賦役十之二濬薊州運河以
潛菴先生史稿

列傳四十五
卷二十一

全

通軍需入佐理院事十八年六月雷震奉先殿自
陳遂致仕歸以平學有原本所至聚鴻生峻儒講
學無虛日家居三十四年太監黃錦與舊相知南

行過禹許以起用比北歸再過以平杜門不復與

勁節可師

見語人曰刀鋸之餘薦天下豪傑司馬子長之所

恥也元稹晚依宦豎得相豈如白居易之爲全節

耶內外臺諫前後論薦二十二疏堅志不起薦疏

中有言其可屬大事者暑月見邸報寒色凜然見

于顏面其避名恬退如此

許宗魯字思誠陝西咸甯人正德十二年進士改

翰林庶吉士授雲南道監察御史宸濠變起上言
親王護衛宜隸守臣以消奸萌時論躓之世宗卽
位奏請勤視朝罷傳奉絕貢獻惜爵賞重邊備寬
徵斂累數千言帝嘉納之出按宣大大同將素驕
悍難制察其甚者置之法一時行伍肅然先是太
監劉祥乾沒邊餉以萬計罪止罷鎮復請下獄追
問祥大懼盡償所沒權貴爲之斂跡御史曹嘉以
論諸大臣被謫宗魯疏救之又劾武定侯郭勛太
監蕭敬不法事不報後以地震上言羣小竊政柄
宮壺議外事國是已定而復易罪人方獲而遽釋

潛菴先生史稿

列傳四十五
卷二十

奎

蓋猶指勛敬輩也一時以爲危言宣大故有大邊
正德初以地遠遠棄不守邊備寢弛宗魯條畫大
邊急宜復狀廷議難之因補築近邊訖工有銀幣
之賜具疏辭且曰願陛下無忽重地是後俺答日
強宣大益多事人服其蚤見云出爲湖廣提學僉
事湖廣地最曠遠往時學臣三歲始一試宗魯
歲輒遍所至以行義教士遷霸州兵備副使旣去
而楚士思之具白撫按疏留以副使仍提學如故
入爲太僕少卿遷大理擢右僉都御史巡撫保定
兼提督紫荆等關保定爲畿輔近地使車絡繹供

應爲艱乃嚴覈郵符又定府州縣徭役等式築隄障淳沱河以功特賜璽書羊酒綵幣旌焉十二年察典拾遺罷歸二十九年俺答犯都城召復原官駐昌平無何進副都御史移撫遼東遼東故與三衛互市時議俺答開市遼東宗魯上疏言不可者十事遂寢引疾致仕所著有少華遼海歸田諸集數十卷

劉夔字舜弼山西襄垣人正德六年進士改庶吉士授兵科給事中遷刑科右轉戶科左世宗卽位有詔起用太監蕭敬夔上言臨御之始當更新庶潛菴先生史稿列傳四十五卷二十

壻

政不宜先嚮用闔豎此非所以令衆庶見也辭意侃侃留中者累日帝察其忠實無他卒降溫旨慰之京東民田爲權倖所據奉勅往訊按籍悉歸之民風裁大著以伯兄龍爲禮部侍郎例改翰林院檢討內艱服除與修武廟實錄事竣擬加秩謝恩後復疏辭帝疑其矯出中旨謫外任通判大名至則葺元城書院進諸生闡經義興文教不以遷客自居久之始進南京宗人府經歷戶部郎再遷提學河南歷山東按察使擢僉都御史巡撫保定值歲饑責所屬捕盜驅蝗民賴以安更飭兵食繕亭

障居三年關塞無警又以其暇治運河葺嶽祠數
膺璽書褒美召入理院事而御史郭宗臯論其薦
舉少卿李坦事以坦爲大學士時之子指爲附會
天子以爲誣奪宗臯俸夔仍巡撫逾年具疏乞歸
家居六年卒著黃巖集金陵稿恆陽集處州錄及
奏議七卷

潛菴先生史稿

列傳四十五
卷二十一

奎

表刻廿卷

宋呂六年卒著黃巖集金陵稿恆陽集處州錄及
天子以爲誣奪宗臯俸夔仍巡撫逾年具疏乞歸
家居六年卒著黃巖集金陵稿恆陽集處州錄及
奏議七卷

江東李文進龍大有列傳

江東字朝陽山東朝城人嘉靖八年進士授戶部主事歷刑部員外郎中出爲河南按察僉事累陞右副都御史巡撫遼東在任四年拜兵部右侍郎總督陝西三邊軍務以疾歸起總督宣大還理部事嘉靖三十七年俺答圍大同右衛詔東以侍郎權總督宣大救之當是時俺答駐右衛城西黃台吉駐東南脫脫駐西北去城各三舍許而撫臣朱笈總兵龔業皆以候代不視事有尙表者以罷任叅將運餉入城爲寇所遮不得出遂取庫藏甲冑潛菴先生史稿列傳四十六卷二十一

奕

弓弩分授丁壯堅守以待外援被圍久芻糧俱盡輒括食馬牛撤屋而爨訛言沸騰士卒無叛志東受命卽日就道約巡撫楊選總兵張承勛選主客兵七萬人持七日糧運米萬斛倍道趨進距右衛百里晝鳴鼓發銃夜列萬炬火光燭天俺答諸部望見以爲援兵大至卽解去東等具儀衛入城表伏道左東下車執手慰勞拊循軍士宣朝廷德意城中皆呼萬歲先是朝廷有棄右衛之議帝疑之以問大學士嵩嵩意欲棄之而不敢任對曰本兵

許論嘗總督宣大當知狀請降旨問之論入見極奸如林甫之陷人

言石衛在大同西北孤懸塞外昔日所以得安由東西堡寨聯絡策應也今墩堡悉毀于寇遺一孤城聲問隔絕兵無宿糧不能持久今圖永安必復兵馬原額連歲荒歉芻粟踴貴能歲辦五十萬金則此彈丸小城猶可保也論蓋設爲難辭欲帝自

亦如英主明斷所以不墮如人毅中

棄之帝聞顧拊几嘆曰無右衛是無大同也于是毅然更易文武大吏勅部措餉發兵中使錯互於道至是圍解兵部尙書楊博以聞帝大喜下詔命東馳驛還朝賜二品大紅紗衣一襲東上守城將士功帝爲之陞張承勛尙表等四百二十八人明

潛菴先生史稿

列傳四十六卷二十一

宅

年拜戶部尙書尋改南京兵部尙書參贊機務加太子少保辭不允時振武營兵變之後議者以爲營兵可罷東言振武營之選將以備倭今倭患未可逆睹而遽議罷非計也天子以爲然尋以池河兵變南京科道楊銓劉行素等論東馭軍無紀有旨解任無何起兵部尙書協理戎政又明年總督宣大軍務上疏曰邊事孔棘謀臣經略無慮數家有爲修邊之說者以爲延袤數千里築垣乘塞可恃無虞而寇潰墻直入曾無藩籬之固有爲築堡之說者以爲人自爲戰家自爲守星羅碁布遍滿

川谷然烽燧一警望風瓦解近遂有謂守不足恃
倡爲主戰之說者以爲專以戰勝爲功不計敗亡
之罪而不度彼已易於嘗試良將勁兵銷亡殆盡
凡此之計臣目見其困矣臣愚妄謂今日惟以守
邊堡爲要而守之之法有十積穀一也還徵調二
也練士兵三也增城濬池四也築火墩以便耕牧
使商旅通行有警易於收保五也造雙輪車以備
戰守六也擇任將帥和睦行陣七也信賞必罰八
也厚恤間諜九也嚴禁邊軍通外十也此十說者
擬之犁庭老上拓壤狼居誠非遠猷而言之必可

潛菴先生史稿

列傳四十六
卷二十一

奕

行行之必可成成之必可久無出於此今日大弊
尤在文武異心上下不相信責速效者務粉飾之
計憚明作者多因循之圖過疑畏者又逡巡而不
敢試其所長夫三年補牢固已爲晚然方病蓄艾
尙猶可及臣勉率諸臣同心戮力務祛夙弊惟陛
下寬其文法俾得少効尺寸臣不勝大幸天子以
爲然明年幸愛把都兒入犯薊西烽火徹大內東
提兵急趨總兵胡鎮奮擊於孤山賊氣喪宵遁東
突出戰於石匣斬首七十九級捷聞加太子太保
廕一子國子生賜蟒衣玉帶在鎮四年前後條議

邊計不下數十率朝上夕報可帝嘗遣中使饋食慰勞璽書褒獎一時邊帥不敢望也後命兼督薊遼等六鎮巡邊卒於懷來贈少保謚恭襄東性慷慨豁達推誠御下所至人樂爲用自奉儉約官登八座田園不增海內服其清德獨在宣大聽讒誤劾山西副使張學顏爲時所譏云

李文進四川巴縣人舉進士授衢州府推官爲人英毅有節槩遇事侃侃敢言選給事中陳邊計十二事多見省納時京師有僧號通法師者聚衆說法于天甯寺文進上言妖僧通法師聚徒衆建壇

潛菴先生史稿

列傳四十六卷二十一

完

場受戒說法擁以蓋輿導以鼓吹四方緇衣聚至萬人跪拜伏聽男女混淆甚有逋罪黥徒髡髮隱匿因緣爲姦故四月以來京師內外盜賊竊發輦轂之下豈應有此又富民豪族朋連黨結倡爲外護愚民破財竭產爭先布施因而乾沒重耗民貲大者基亂小者導侈皆非細故乞捕外護爲首者數人及通法師者按治其罪諸郡邑各山古刹如有佛子法師假以講經聚至百人者一體禁止庶邪說不興異端可息疏入帝稱善者久之命捕法師及寺主下錦衣衛勘問禮部通行禁飭出爲浙

江按察副使巡視海道改岢嵐兵備陞山西按察使未幾拜右僉都御史巡撫大同三十八年九月俺答八犯宣府洗馬林及蔚州川文進督兵策應以功賞金幣有加大同右衛北歷玉林三百餘里接東勝川地曰豐州中國叛人印富趙全李自馨等居之築城堡宮室甚壯麗開良田數千頃號曰板升板升者華言城也富等以白蓮妖術誘鹵八寇中國甚被其害是時俺答引衆西掠且一年留部落千餘人于豐州每夏輒徙帳大青山口避暑而富等居板升如故文進慨然曰此中國隱患也

潛菴先生史稿

列傳四十六

辛

不取將不可制而是時總兵劉漢及舊將俞大猷皆負勇略喜功名乃謀乘間取之部分叅將王孟夏麻祿等五十三人率銳卒三千前進漢與副總兵趙尙等分三哨營於玉林隘爲後勁孟夏祿夜半疾馳昧爽及于豐州鼓噪奮擊斬首八十三級生擒六十七人縱火焚其宮室時富先隨鹵帳北徙趙全走匿墩上麻祿督兵掘墩幾墮矣會俺答兵大至乃引退自馨僅而得免擒其弟自橋及其母胡氏以歸獲牛馬橐駝無算兵還渡黑河爲追

騎所及且戰且卻還與大營合鹵衆乃馳去諸軍

期以翼日入邊往返凡五日捷聞帝大喜漢等陞
賞文進廕一子國子生賚以金幣遂進副都御史
總督宣大山西軍務益自奮發上書願乘春夏北
馬羸弱揚兵搗巢請勅三鎮撫臣合兵共擊使腹
背受敵且欲復車戰之制徵善馳射之士遞相教
練又欲修宣府北垣以爲外護繕南山墩戍以爲
內防其言甚偉兵部以搗巢未宜輕言南山陵寢
所在宜慎重而劉漢又以六月出塞敗于黑河而
還巡按御史董學因論文進不能節制帝以秋防
無問逾年卒於官詔錄其邊功賜祭葬

潛菴先生史稿

列傳四十六
卷二十

圭

龍大有湖廣茶陵人正德十二年進士初知祁州
調開州丁艱服闋補廣德州陞南京刑部郎出知
平樂府進廣西副使浙江參政再遷河南右布政
使所至以廉謹聞嘉靖二十年擢右副都御史巡
撫大同明年俺答阿不孩遣石天爵滿受禿滿客
漢來款塞先是華人李山陷漠北而肯切羈留中
國俺答屢請以山易肯切朝廷不許至是復遣天
爵等至天爵去年爲史道縱歸道坐鑄級而滿客
漢者肯切之子也邊人不敢納以告大有大有令
墩軍誘至縛天爵而殺受禿等乃以計禽聞事下

部議謂天爵本以華民爲俺答役使去歲守臣失計放還遂致塗炭山西震驚畿甸罪不可貴大有應機禽獲功最大請優錄之以作邊鎮之氣天子以爲然詔進兵部右侍郎兼副都御史巡撫如故諸文武將吏陞職增祿賚金幣者數十人巡按御史侯度亦進一級遂磔天爵及肯切于市傳示九邊天爵之來也具言塞北事謂俺答小王子等九部駐青山豔中國幣帛計所以得之者惟攻掠與貢市二端攻掠得人畜而幣帛絕少且有損失不如貢市完因遣天爵等持令箭爲信誓請貢市一

潛菴先生史稿

列傳四十六
卷二十

七

請不得則再再請不得則糾衆三十萬一循黃河東孺南下一自太原東向而以勁兵屯大同三關待戰其計如此大有旣奏磔天爵等于是俺答大忿六月悉衆入寇掠太原及平陽潞沁諸郡縣屠殺極慘輒以誘誅天爵爲辭大有素廉謹無濟變大略平生仕宦半在東南邊塞機宜多有未諳見寇氛日熾憂惶不知所出奏請調兵協守三關天子亦深憂邊患有旨亟遣遼東兵分駐紫荆居庸薊州兵駐白羊倒馬龍泉故關羽檄相望於道而給事中馮良知等論劾大有以爲許功冒賞曾無

防禦之能給事中劉繪併劾山西撫臣劉臬宣府
撫臣楚書俱下部議而大有竟削籍遣戍大有本
以謹厚稱至是以冒功見罪時論惜之

潛菴先生史稿

列傳四十六
卷二十六

書

